

七十二家集

梁簡文帝御製集卷之十二

梁太宗簡文皇帝蕭綱著

七

七勵

藏名外臣體道好異遁跡埋影刻心人事任性  
於蓼水之側放心於自得之場情苞六合德貫  
九方巖栖谷飲絕際濠梁於是寂鏡公子聞而  
往說乃飛車翠蓋翔駕絳螭丹旌風轉碧幔雲  
移映玉軼之綺靡照銀車之陸離經九嶠之襲

阻歷五曲之嶢危路入閭風道經通谷橋塗決  
澹路林蕭蕭石磴穹窿松關重複羊腸望斷邃  
路迂餘攀林稅駕乃遇藏名之所居其居則蘚  
苔沒砌幄葉斜林千峰脊頂萬仞懸深南危碧  
流北障芳林左縈重陸右背高岑煙霞罩日石  
澗籠陰聲諧百籟響弄千禽寂鏡公子曰蓋聞  
智者不懷道沒志遺俗埋名迷邦碎寶却粒辭  
榮今欲說子以默語之術寧欲聞乎藏名曰僕  
雖幽栖遠紆名德寧忘潔已以受至言

公子曰夫怡情託體寔寄閑宮跨危樓於插漢  
挂日景於迎風玩靈華於仙掌度窈窕於飛虹  
金枝照曜玉壁玲瓏文窓洞右飛閣陵東桂柱  
通光雄梁亘日璧鏡鈕懸抽荷弁出中宿綿延  
長廊周密青錢碧影金墀玉律冬闔溫煦夏室  
含霜圖以珍恠畫以禎祥瓊茅秋薦綠蕙春香  
植宜男於粉閣樹君子於椒房廻風煙於璇題  
垂珠璣於玉箱文魚水宿錦鳥雲翔乃登陟遊  
踐望遠通疎擢素藕於石鏡褰蔓草於康衢若

荆山之琢玉似隨水之弄珠若斯宮之閑麗子  
能與我而共居外臣曰僕遊心蓬華未暇斯處  
公子曰夫靚粧嚴服託體必嘉五絲檀美獨璽  
稱華組帷粲綵緹服含葩丹墀聚葉縷檻飛花  
至如稷下縫掖泗上章甫雉緝霜鮮秦絲園縷  
鳳色龍分鴛文鵠聚珎紛瑤席綺飾瓊珮齊都  
滑石南海璚珎散似綴珠離如並績蜘蛛弄巧  
越女調樞夏則桃笙竹席冬則青筦金鬢溫羅  
瓊臺密華承寢當戶之縠大文之錦華蒲萄之

綺衾麗芬若之丹枕金蘇翠幄玉案象牀子能  
從我樂此芬芳外臣曰帶索披裘自得山性雕  
章麗服未敢攸同

公子曰五餌調神三芝輔性用康仁壽以弘貞  
正乃使有伊之徒調嘗鼎味九州珍雜八方豐  
貴名庶天地之聲殺竭山海之味蟬鳴秋稻驚  
領玉精離紅之膾勺藥之羹蒙山擅重灌水傳  
聲桂蠹石瓊龍胎鳳肺四膳八珍五肉七菜纍  
似穀雜切均鮮繪色若紫蘭紛如紅綵若乃越

梅變實楚醴方添陳晨是之美味薦雋鷲之肥  
甜沈以三危之露水調以大夏之香鹽霜薤沸  
烈露葵繁舒芳菰之菜白霜之茹澄瓊漿之素  
色雜金筍之甘菹素醪浮氣酈醪凝清獻三爵  
之踰雅等千日之芳醴酌玉斗之英麗照銀杯  
之輕蟻此亦天下之美味子能從我而享之乎  
外臣曰藜藿可膳薇蕨堪食五味口爽寧假玉  
盤

公子曰若夫釣瑩之樂葛天之歌飛七盤之妙

節動六變之清和綠綺麗琴丹山寶瑟縷器  
雕珷枝伶律奏白晝之楚緩陳亭蓆之吳疾躍  
鳥追飛潛魚伴出將使漸離擊筑雍門鼓琴鳴  
繞梁之妙響發愁眉之清音至如五陵金穴六  
郡豪家表流歌於東夏出秘舞於京華金鈿設  
翠步搖藏花遙同暮雨逼似朝霞髮鬢如黠纖  
腰成削玉齒笑容紅粧綽約疾趨巧步霧袖芬  
披舒蛾眉之窈窕委弱骨之逶迤載金翠之婉  
嬋珥瑤璫之陸離芬芳於梧春之苑灼爍於長



州之中于時斜光西委薄霧舒紅隋珠照影羅  
衣從風觀者方堤觀者盈淇令二鸞之綴翼使  
八鶴之增悲明君爲之歛泣西施爲之解眉於  
是蘭闥寂晚曲韻相和對輕風之落景望明月  
以清歌歌曰酣醕半兮樂旣陳長歌促節綺羅  
人拂鏡弄影情未極迴簪轉笑思自覩此亦聲  
音之盡妙子能從我而聽之乎外臣曰滛聲亂  
耳未足入聽方追山壑永弄林泉

公子曰夫心遊百氏理奧六經樞機性道陰陽

寶實昭玉牒於年史覽石記而照情若夫鄒枚  
上客揚馬俊人揮金入趙易服歸秦賣舌彈劍  
買義追仁商權萬古弋釣陶甄池中水黑席上  
稱珍荆二氣之氛氲辨六爻之終始鳥變龍工  
鳳書雲紀辭弘八索辨崇三耳至如范雎折脇  
豫讓拉齒禮竭中心報深國士碎玉爭城藏圖  
解劍見碣石之金堤望楚都之揚旌美陳平之  
反間揖子房之智謀想秦君之傳器仁漢后之  
解裘此亦天下之奧籍得性之林圃子能同覽

悅目以齊此心外臣於是色動清顏頗解高意  
曰僕雖野陋頗悅帶經但負薪多疾未甘斯說  
公子曰夫氛氲構象純雜不同其工析柱雖播  
英風自古而然曾何足道但吹沙役寇抑白義  
年吐霧藏妖聞之堯日至於今者昌運天啓握  
曆寶年風猷駕層漢道德漏重泉至如玄蹄外  
境紫舌頑人悖而無禮不沐皇仁於是騰三泉  
之宵漫載五旗之飄揚引玉車於西隴鳴金鼓  
於北邙栻龍泉之雄劒瑩魏國之寶刀鋸踰巨

關利擬豪曹至如牽鈞壯氣斗膽豪心緣腰白  
玉帶環黃金酬恩報死尅遠長岑騶褭白鷲耀  
躍青離五玉察善十相無遺連腰錦帶半足塵  
龍標威於鴈門之境振旅於龍突之鄉若乃驚  
沙絕岸苦霧綿長秋河曉碧落蕙山黃紅顏素  
改玄鬢斑霜征夫抵掌而飲膳壯士憤氣而沸  
腸迴雲鳥之密陣背却月而相望旗纔轉而漂  
杵鋒未至而驂傷前鋒紛其易幟後騎決其沙  
囊何湯雪之能比豈拾塵之可方於是呼韓顛

頽龜茲銜璧羊牽既袒熊山已積九截同文八  
極齊軌帝曰念功班茅賜履青紫如拾賞歸詔  
美此亦天下之壯績子能從我而效之乎外臣  
曰葛伯不祀雖聞湯誥野叟力弱未敢振衣

公子曰堯舜垂拱煥彼前聞今惟聖曆萬代一

君壁儀照氣玉井珠分德合天地道方華黜滄

海碧徹黃河

一作流

黛文愛人育德澤等春雲

一作

工宣尼茂典周姬禮容黃裳進士清襟俊童邦

知改俗國化移風賣藥無藏名之老河泗無洗

耳之翁德星夜映慶雲晝色異草雙條靈禽此  
翼狝尾旣九茅脊復三金船漾寶銀甕呈甘康  
歌壤笑悅禮樞談隆周謝德盛漢知慙慈照無  
礙化湛靈覺散濟弘淳極澆敦朴國被仁壽家  
欣教學三明墜道六度弘風出塵照苦入冥觀  
空善識無盡因性必通天不愛寶地無隱瑞百  
神受職三苗奉義石策紫泥繩金玉刺或託諷  
梁甫權卧德而龍盤或織箔涓濱耻藏名而鳳  
跂於是露點飴密溜泓澄於玉掌雲垂五采覆

旖旎於仙樓漾醴泉於浪井拂垂楊於御溝或  
聯七葉一姓五侯外臣於是觀色內動神貌外  
移忽正山巾而言曰蓋聞幽居獨善見譏往聖  
儻不遺矇叟亦願順來命

大法頌有序

皇帝以湛然法身不捨本誓神力示現降應茲  
土龍顏日角參漏重瞳衡表連珠文爲玉斗自  
納麓開基天地之德已布封唐啓跡日月之照  
先明百揆之序方舜九河之導均禹尙弘事殷  
之禮且屈在田之則自五鼎朝飛告赤文之瑞  
其雨七日受緣色之符神器有歸鼎運斯集焦  
門厭棄德之君縮水發白旄之陣然後受皇天  
之睠命當四海之樂推豈假祀蚩尤於沛庭託



河冰於王霸於時鳳凰裂序蒼蒼緯度乃選五  
石以補之坤軸傾斜積水發坼乃緯九藪而正  
之陰兎兩重陽烏三足乃定王業以暉之攝提  
垂方孟陬失紀乃置清臺而辨之維冠冕於巳  
頽綴珎珎於旣毀自憑玉几握天鏡履璿璣而  
端拱居巖廊而淵默於今三十有二載也是以  
天德一於上地數二於下復朔參辰不易日月  
兩曜如合璧五精如連珠禮宗類吳虔丘禮澤  
敬行五祀功被百神川嶽呈祥風煙効祉青雲

千呂黃氣出翼聽隘山之威鳳製大夏之貞筠  
陽管叶春雌鍾應律上林之課匪疎相府之占  
無謬奏六英於若水張咸池於洞庭乘翟動和  
天之樂建華宣易俗之奏協律有淪淪之序典  
樂致雍雍之節詩書乃陳緇縹斯備蒲輪受伏  
生之誦科斗薦魯宅之文蒸栗殺青玉牒石記  
填委廣內輝煥麒麟置台命袞法河依嶽建職  
樹司區雲祥火高山容與赤黻邈迤色麗文翬  
章研織烏諫鼓高懸芻言不棄肺石通惋書誨

橋板草名指倭便辟去朝獸稱觸罪茲回放黜  
是以龍翔鳳集河濂海夷露下若飴泉浮如醴  
桂薪不斧而升甑自熟玉臯詎牽而銀甕斯滿  
河光似幕樹彩成車氛氲四照暉麗五色神明  
磊砢徵祥布濩金鱗鐵面黃碧砮之縣航海梯  
山奉白環之使戴日戴斗靡不來王太平太蒙  
無思不服方叔邵虎之臣均聲應鼓之將秉龍  
虎之秘韜握朱玄之異略受脤於廟堂之上揚  
威於關塞之下出玉門而直指度金城而奏策

蕩維種之殘妖匡中原之塗炭北臨地脈西出  
天渠毘夷罷患夙沙自服獲犬戎之鹿懸密須  
之鼓葉街有受纓之虜詔水觀受降之首四表  
無塵六合共貫皇德隆矣太平之風浹乎無外  
矣天子內韜無生之至慧外應體乾之弘跡將  
欲改權教示實道遣方便之說導化城之迷乃  
端宸神君吁而言曰若夫耽夢華胥怡然姑射  
服齊宮於玄扈想至治於汾陽輕九鼎於褰裳  
視萬乘如脫屣斯蓋示至公之要道未臻於出

世也至於藏金玉於川岫棄琴瑟乎大壑卑躬  
菲食茨堂土階彤車非巧鹿裘靡飾斯蓋示物  
以儉亦未階於出世也解網放禽穿泉掩薨起  
泣華之澤行扇囑之慈推溝之念有如不足納  
隍之心無忘宿寤蓋所以示物以爲仁亦未階  
乎出世也紫府青丘陞山漳水敦河上之道文  
悅岐伯之章句甘泉啓太一之壇嵩山置奉高  
之邑碣石刻羨門之誓不期作交門之歌斯蓋  
止愛久齡事在諸已篤而爲論囑有未弘雖獲

龍從之禪終墮長生之難徒階三清之樂不祛  
八倒之境豈若燃智慧之炬照生死之闇出五  
陰之聚升六度之舟浮衆德之海踐不生之岸  
於是莊嚴國界建立道場廣行利益開闢佛事  
驅彼衆生同濟仁壽引茲具縛俱入大乘九有  
傾心十方草靡如憑津濟咸賴歸依睽乎若朝  
日之開衆華霈乎若農夫之遇膏雨功德之翼  
已圓智慧之門必備以爲般若經者方等大法  
峻極靡際深邃無底籠萬善乎無相兆九垓而

無邊譬猶枝川派別入大海而同味衆芳雜彩  
到須彌而一色空空不著如如俱會不合不散  
無去無來種覺可生允茲佛母羣典弗逮是號  
經王乃欲震一音雨法雨示五眼引重昏昭暘  
紀歲玄枵次星夾鍾應乎仲春甲申在乎吉日  
將幸同泰大轉法輪茲寺者我皇之所建立改  
大理之署成伽藍之所化鐵繩爲金沼變鐵網  
爲香城照神光於熱沙起清涼於炎火千楹截  
學百拱穹窿紅壁玄梁華棖玉砌三階齊列四

注周流上玉翼而捫天飛銀樞而蔽景虹拖婉  
垂承甕繞繡蓮抽井倒月宇臨窻彤彤寶塔旣  
等法華之座巖巖長表更同意樂之國下鑒白  
銀之塹仿暉金薄之甄高門洞啓不因銅馬之  
飾寶殿霞開無假鳳皇之瑞金輪燭日妙臨淄  
之地下層臺累駕邁宛委之空飛夏宇凝霜溫  
室含煖雕樓之內滴動而響生洞扉之裏鷦歸  
而氣激幢號摩尼旛懸金縷盤徑十丈鈴圍四  
斛舒七寶之交枝流八功之淨水地芝候月天



華道風法鼓夜鳴聲中聞法瓊枝旦動葉裏成  
音妙德陽之宮麗未央之間故銅欄三丈追嗤  
井幹玉樓十二遙耻神仙譬彼清涼之臺同符  
蘭室之寺初刊照園之東帝釋天城之北故以  
辛壬癸甲綿蠻靈霽吁哉其不可狀鏘鏘吁吁  
瓊譎雜錯邈乎其不可名於是璧日揚精景雲  
麗色薰風徐動淵露微垂後距屯威前茆警列  
武校星連鴻鐘吐響連天宮之法駕啓天路之  
威神百靈扶持千乘雷動六虬齊軫七斗垂暉

雲罕垂空勾陳翼駕超光躡景日被天廻金蓋  
玉輿豹服鼂鼓織驅沃若天馬半漢綠弓黃弩  
象飾魚文攸飛案節不勞斬蛟之劍虎賁跋羽  
豈假鳴烏之射湛湛奕奕赫赫出乎大通  
之門天子降雕輦之貴行接足之禮頂拜金山  
歸依月面如聞萬歲之聲若觀六變之動於是  
乃披如來之衣登獅子之座均百慮之紛總愍  
三請之慇懃啓真慧之深宗明度彼之弘教二  
諦現空有之津二智包權實之底大乘豁其靡

礙道心究其歸涯因果之攝不運而行真俗莫  
求弗動斯到不以二法會乎中道盡佛淵海入  
佛法藏極脩妬之妙興研龍宮之秘法宣娑婆  
之奧旨則累聖之微言正水既沾邪難自息慧  
日普照毒霜並消除黑闇於四生遣無明於三  
界巍巍乎若彌樓之在巨海穆穆乎譬衆星之  
繞圓月於時天龍八部側塞空界積衣成座散  
華至勝三千化穢土之質火宅有離苦之期惡  
道蒙休泥犁普息誅誅學侶濟濟名僧皆樂說

如辯才智慧如身子踰乎青目黑齒高彼廣膝  
赤髭咸符寫瓶之思並沾染艷之施如金復冶  
似玉更雕聞所未聞得未曾得鬱搖動色請益  
無倦百司俱列簪履相趨豐豹焜煌華綬苒蒨  
謂舍衛之集大林之講無以過也將令一一佛  
性逢了因而俱出一一佛土咸遣二而除三比  
夫歌南風尚黃老臨辟雍講孔宅么麼安足而  
語哉距於三月甲辰法席圓滿如來放大光明  
現希有事雄雄吐色珠火非儔瞳瞳上映丹紫

競發榮河耻其祥潤汾陰陋其暉影掩入殿之  
紫雲奪鴻門之妙氣昔法華初唱毫照普林般  
若聿宣通身盡笑王城之瑞千載更逢豈非聖  
主同諸佛身降茲妙相等諸佛力若符契焉猶  
秉淵默之謙虛弘懷焉之至誠爲而不宰推而  
勿居以百姓之心爲心非關諸已荷負無倦攝  
受四生皇太子臣綱視膳東廂親承大法以爲  
西廵東狩讚頌以興柴山望祀詠歌斯作况頂  
開而受露鞠躬而聞道敢述盛德之形容以爲

頌曰

玉牒悠夔青史綿長道汾五勝風殊百王商丘  
命瑱姬水開瓚河濳待聖海謚期皇方天譬地  
功歸有梁垂拱南面克已巖廊權輿教義製造  
衣裳九韶革響六樂改張儀鳳婉婉擊石鏘鏘  
廣修壁水洞啓膠庠輕輶徵聘旌帛搜揚蘭臺  
且富廣內斯藏芸香馥蘭綠字摘章文功旣被  
武跡斯彰題雕臆鏤舌紫支黃南街請質北闕  
來王飛旌集翰勒跡書狼銀車引附黑節招荒

文同海截化普龍鄉西踰月宿東漸扶桑卑宮  
類禹解網如湯衢室納異明臺引良善旌弗卷  
諫鼓其鏜萬符集祉百神啓祥黑丹吐潤朱草  
舒芳珠懷鏡像星含喜光液池下鶴高梧集凰  
赤熊旦繞素雉朝翔觀玉伯友訪道西王遊經  
建木廵指盛唐終非運出豈曰津梁我有無礙  
共向圓常玉鑿徐動金輪曉莊紫虬翼軼綠驥  
騰驤虎文駐蹕龍驤啓行闌干玉馬照曜天狼  
玄旄映日翠鳳晞暘前飛格澤後擁陸梁風移

蹙掃參差焜煌峩峩寶座郁郁名香法徒學侶  
塵沙堵牆慈雲吐澤法雨垂涼三密不限四辯  
難量猶茲海寶譬彼山王慧流總被藥木開芒  
佛日出世同遣惑霜帝釋歌詠幽祇讚揚空華  
競下天琴自張山含影色地入毫光非煙繞氣  
陸藕開房澤普三界恩均八方巍巍堂堂爲舟  
爲航伊臣稽首萬壽無疆

邵陵王綸答皇太子示大法頌啓附

慈鋒鬱壯妙辯縱橫慧捨兩

智包三藏故



五時之說旣陳七處之禮斯聚  
枿般若之妙源顯無生之真諦  
心注八流意含五忍能使六地  
震動四花曾雨折木蓋鱗開羅  
散翮香鳥步花馴游於雲圃  
瑞雀飛環翔舞於風前高門洞  
啓不因銅馬之飾寶殿霞開寧  
假鳳皇之瑞雖復長卿壯辭曾  
何足數子雲妙句比此蔑如

玄圃園講頌

并序

竊以寶山峻極殆是未窺慧海遙波輕舟詎泛  
故以探沙亂妙類杳迷形百代同昏千年誰啓  
皇上託應金輪均符玉鏡低矜苦習續照慈燈  
鶴樹還春龍泉更曉玄水雖祥丹陵瀉電功韜  
火宅德覆雲衢智慧之光猶初日照忍辱之力  
如明月珠天成地平遐肅邇睦澤瀉無底化行  
靡外滄河鏡淥碧海調風停瑞氣於三辰汎祥  
煙於五節鱗羽披解羅之澤黎元沐仁壽之慈

於是正化潛通法輪常轉類空境之傳虛猶懸  
河之寫潤儲君德彰妙象體睿春瓊視膳閒晨  
遊心法鍵擗管摘章旣嬈媚錦繡清談論辯亦  
參差玉照夏啓惠德周頌慙風乃於玄圃園栖  
聚息心之英並命陳徐之士樞談永日講道終  
朝賓從無聲芳香動氣七辯懸流雙因俱啓情  
遊彼岸理愜祇園靈塔將涌天華乍落于時藏  
秋仲節麗景妍晨氣冷金扉霜浮玉管茲園遂  
密獨華勝地朱堂玉砌碧水銀沙鳥韻頽於瓊

青樹蒼緹於妙葉液水穿流蓬山寫狀風生月  
殿日照槐煙網明籍殊寵陪奉塵末預入寶樓  
竊窺妙簡覺興藻拊獨瑩心靈敢作頌曰

皇儀就日帝道昌雲化隆垂拱德曼鴻芬機乘  
八解道照三墳巍巍蕩蕩萬代一君其重離照

景玉潤舒華七淨標美三善稱嘉降茲法雨管  
洽生芽漣漪義水照曜文華其芳園黷黷天宮

類寶析論冥空玄機入道密宇浮清重閣相藻  
日映金雲風搖銀草其肩隨接武握寶靈珠皆

捕四照龜換九衢額惟多缺徒奉瑛瑜終如燕  
石更似齊子

梁簡文帝御製集卷之十三

梁太宗簡文皇帝蕭綱著

頌

南郊頌

有序

臣聞惟天爲大聖人敬其德知幾其神聖人契其道故龍官弱言之后合揆於蒼昊紀垂衣之君昭格於上帝莫不巍巍乎穆穆乎渙汗於綠篇氛氲於丹冊者矣我梁皇帝之御天下也乘燁祇之盛曜卽璧月之遐照等乾覆之靈養

合坤載之靈長四三六五之意十堯九舜之明  
名與功偕業將時並自撥亂反正伐罪吊民馮  
玉几握金鏡君臨萬國於今二十有二載也緯  
天維理地軸移澆風於末俗反淳正於區中化  
不言而先顯教不嚴而已肅流樂復雅遠符雲  
韶之世墜禮還章非因忠信之薄九垓同軌四  
海無波儲明變照儀天作兩三袞咸作叶化台  
光翬葉玉風鹽梅帝載庶清世晏蒼兕無用其  
武功運謐時平鸛鷺咸脩其文德桃林散甲華

山號玃玉門罷候紫塞沉鋒屠羊鉤鐙之士厭  
洗耳而襲簪佩版築藏農之逸去燥穀而紆珩  
組異人俊乂旣間出而在官世鏡河仙亦雖容  
而廊廟蹇蹇同於多士諤諤比乎得人五典三  
墨旣歲黜於壁水九流八索亦續紛於石渠書  
一之政萬代表於時和三章之律百姓沫於仁  
壽於是龍光之地日浴之鄉紫舌黃支頭飛鼻  
飲自西自南無思不服款關質子稱臣內向珠  
樹素禽越火枝之地銀甕邛杖踰沉羽之溪出



赤野而連翩度玄沙之決潏於是嘉祥被衆瑞  
登金人澤馬丹龍玉雞三角九尾四眉六足抽  
鋪地之九莖發端門之連理參差於郊藪布濩  
於宮闕肅無虛月史弗能記周稱黃鳥之旗夏  
有玄珪之錫無以踰此嘉祥方茲愍萃道洽世  
昌國殷民阜鄉知舜讓邑比堯封委粟西畝神  
絲被澤可謂我化若風民應如草我靜如鏡物  
動猶煙天子猶未明求衣日旻不勸撤膳匪躬  
詢興訪道繼旗徐動棄千里而弗乘寶瑟無虞

捐百金而不服廣行四等被慈雨於枯根大闢  
三明驚法雷於群夢曲成萬物去殺愛生幽弊  
之民與蒼雷而共悅否滯之義同谷風而開杼  
比蟲得性跂螽欣生三驅有緩剪之禽九門無  
綏獸之藥至德之事如此太平之風如彼乃以  
恭肅神祇理通彞敬江左以來爽塏未闢爰命  
將作揆日載營三靈叶響百工咸事宛如神造  
儼類仙居冲秘隱隣跨千畝於晉日閑曠麗遠  
吞七里於漢年五達四通廓郊彌野南瞻重嶽

北眺芒嶺東臨瀨西望舊壘紆餘委蛇丘陵  
起伏澎湃晃晃山川異態飛梁遂宇洞燭穴懸  
紫殿仙宮霞霽鳥翫霧映倒翠日光疎鉞玉桃  
卷葉銀樹抽芳百果千榛三珠八柱朝葉與蜜  
露共鮮晚花與薰風俱落露禽乍聚望比翼之  
翔翔歸飛時宿聞同心之夜響故以熊熊灼灼  
炫兩明而仰七曜紛紛泫泫承五煙而帶三靈  
圓丘閑靜紫壇肅設五精之場千神之位八堦  
弘麗四維博敞宛若千仞狀懸流之仙館煥如

五彩同瑤山之帝壇石牒神昌之瑞方臻金縷  
飛光之徵永固是雕是琢鄙茅茨之爲儉非珠  
非玉噲甘泉之已奢望昔方今獨高千古沿襲  
異等質文斯中於是歲在單閼星次訾陬律中  
太簇日惟辛卯特有事於南郊甸師清野封人  
壇宮朱幕夕峙帷宮宿設曉漢斜陰翠壺升漏  
天子御玉輅動金根八驥揚衡雙龍翼蓋雲罕  
徐迴鳴鐃韻響風承豹尾日映鶡冠萬騎天行  
千乘雷動石鎧犀衣之士連七萃而雲屯珠旗

日羽之兵亘五營而星列鬱鬱阡阡震震填填  
克溢乎國都彌漫於鄜邑者也若乃廻輿降蹕  
薦禮帝儀揖太清秩群望被太裘服山冕恭蒼  
璧之明祀穆靈壇之禋敬黍稷非馨明德惟馨  
日曜彤精天澄翠色百僚師師九官濟濟千神  
叶福萬億均慶六典斯備三禮必該焚柴告成  
罔不欽若翠煙升錄同河濱之瑞雲丹燎燭天  
若帝鄉之美氣雲門麗舞咸池廣樂已叶九韶  
之曲復諧六列之奏金匏既動望婉蟬之遊龍

玉磬徐鳴觀參差之舞鳳桂鞬駕肩士女填噓  
接袂爲幘連裾猶堵鼓腹擊轅行歌舞抃然後  
紆玉輦而謝書生登靈臺而望雲物欽明美化  
跨萬古於茲日廣運愉樂表千載於當今方當  
巡云云之禮啓亭亭之業封天荅睠禮地徵靈  
南山之壽無極七百之基長固豈不懋哉豈不  
盛哉菲薄微臣謬與藩服馳心休禮秣馬之願  
無由徒罄櫛辭清風之藻多愧敢敷庸理獻頌  
十章其辭曰

元始道一渾德氛氲遙哉邃古亶矣初分磅礴

地載清朗天文大人觀物生民惻君其蛇驅龍

準作樂垂衣皇圖昭灼帝篆歲繼廓寥中代合

聖與誰於爍我后命世天飛其玄默馭辯寂照

兼真就雲握曆望日歸民謙光履德義禮稱珍

車書同軌天下歸仁其期章孔備盛化弘道酌

衢敬賓欽賢愛老變正是珍燭車非寶如海之

深如日之杲其肅恭明神逸聽前踵配天道尊

迎陽義重玄酒醴殖燔柴雲聳跨舞論韶籠堯

稱拱

其五

赫矣郊宮載惟靜謐肅肅禁闔陰陰仙

室六戎列野八鸞照日架殿星羅重宮霧出

其六

蒲萄金橘靈壽木難素柰開暑貞檜陵寒山池

壯麗階閣彤丹葉垂疊雨花落重巒

其七

康哉盛

德美矣世豐三辰炳耀七政永隆五方來洎四

隅茲通懸繩度竿駕鹿追風

其八

既敷懋化復覩

瑞滋金車出野玉露霑墀紫粦神草華平瑞芝

長愉汪濊永固雍熙

其九

照天滂洩遠肅邇睦惠

靡齊民恩彌比屋式光惇史踰斯郁郁皇哉康



梁簡文帝集

卷十三

六

哉同茲景福

其十

菩提樹頌

并序

竊以因緣假有眾生之滯根法本不然至人之  
妙理是以三界六趣遶業障而自迷八解十智  
導歸宗而虛豁是以能仁大師隨緣布道愍憐  
宅之旣焚傷欲流之永驚託白淨之宮照黃金  
之色居茲三惑示畫篋之非真出彼四門驚浮  
雲之易滅於是佛日啓法雷震設漸教降權迹  
三寶現世一道知歸大接群蒼救茲未度法雨  
法水之潤等世界於無邊智燈智炬之光同虛

空於莫限物因難量化緣將息林開白樹日映  
青枝悲哉六識沈淪八苦不有大聖誰拯慧橋  
皇帝體乾元之淑德含天地之純誠照玉鏡之  
神握太平之運祚虞夏罩漢籠周御六氣而  
子蒼生翊二儀而布亭毒緯樂經禮偃武脩文  
秋荼不設廢九律之嚴科春雨愛生解三驅之  
密網固以咸池之靈自失汾水之德知慙少陽  
懋善於元真蕃臣燮和於槐衮八凱三座九棘  
四科之士內宣王事運策橫行專城推轂之將

外守封疆一同文軌萬方共貫穿胸鏤臆之首  
短身長臂之師南越鑠石北極天沙東邁日枝  
西踰月紀莫不梯峰挂迥越繩度之山航海跨  
深汎浮毛之浪奉方入貢進忠請職獻同心之  
鳥貢比肩之獸爾乃嘉祥競發寶瑞咸委靈芝  
滂露月萃郊園義鳳仁虎日聞祁國如珠如璧  
旣照燭於中畿若雲非雲亦徘徊於宮雉於是  
驅黎民於仁壽濟動植於幽隍歲樂民殷家給  
戶足班白不提挈童稚有謳歌從善如流應風

猶草開農務本鑄及銷鋒紅粒盈箱青蚨委貫  
上照天下涌泉天既成矣地既平矣天子乃均  
一子愍四先示正行之因標出要之路廣設道  
場大弘妙法涅槃寶棹接惑衆於背流慈悲光  
明照群迷於未曉法輪遍乎大千清涼被於小  
葉故天人舞鳳去照園而讚善菩薩飛象越香  
土而來儀五百寶蓋騰光自合十千纓絡懸空  
下墜龕室莊嚴國界殊特製三時之殿聳四柱  
之臺雖漢后望神之宮軒轅待仙之觀曾何足

擬髣髴寶雲儀形等覺於是想成道之初建菩  
提之樹四海呈珍百工薦巧雕金鏤碧綴鏡懸  
珠製似雪山形同飛蓋四布垂陰五面盆物名  
高蒲月德踰霄覆竝豔千光之樹連英五色之  
華壁日垂彩玉蒂生煙微風徐動寶枝成樂儼  
然妙色蔭此曲枝顯若金山尊如聚月信女百  
味之初諸天四鉢之狀散漫祥草連翩青雀伏  
吐電之魔却擔山之鬼奇姿瓌質不可勝言此  
實生善之妙緣進行之深福當今盛美曩代未

聞方應照德不窮懸諸日月巍巍永樂萬萬斯  
年敢作頌曰

綿史載觀靈篇耿鏡寶冊歲筵帝圖掩映烏紀  
稱祥龍書表慶九州布德五絃作詠蒸哉至矣  
有梁啓聖功覆終古業高受命金輪降道玉衡  
齊政無思不服有德斯盛一乘運出五眼清淨  
稟識康歌昆蟲得性舜厨靈蓮堯庭神莢豈如  
道樹覆潤弘浹靡密垂光芬芳委疊時動百華  
乍開千葉現彼法身圖茲瑞牒海度六舟城安

四攝惠澤旣播淳風曾叶休明智境清朗法泉  
百神嗟仰千佛稱傳榮光動照玉燭調年菩提  
永立波若長宜穆穆明后萬壽如天



馬寶頌

序

武帝幸同泰寺捨身公卿奉贖還宮幸  
德陽堂宴群臣設絲竹樂是月神馬出  
太子獻頌按轉轅王時自然生馬寶王  
將出宮門飛行遶四海即日還宮頌稱  
馬寶指  
此也

皇帝應百姓之心副四海之願復履玉衡還臨  
億兆天地交泰日月貞明至理維新隆平方始  
遐邇壹體中外禔福含生欣欣若耘耰之逢夏  
雨懷情坎坎譬草木之值春風帝王之道超邁  
開闢睿聖之功殫歷邃古軒義不足鑿柄堯舜

不足憲章至哉大哉無得而稱也五月丁酉朔  
絲竹會於德陽之堂于時日進內宮星次鶉首  
仲夏之杳稍極陽城之圭綈賓之鍾初應潁川  
之律縉雲旦卷南風晚扇惠氣入帷清陰周宇  
玉輿雲罕照日覓庭羽林中權分階列校簪笏  
成行貂纓在席昭天之樂金石鏗鏘報地之禮  
威儀肅省詔以馬寶示群臣太僕劾官趣馬掌  
贊三令五申丞聯事舉八麗四圍給役相趨暉  
煜金鑣陸離寶勒天地無疆之德永星致遠之

功營聘善鳴龍儀美稱淵毅權奇之威趨攄抑  
揚之態足轉驚電眼流含燭霧噴紛霏流沫飄  
灑數千爲壽豈待原蠶之禁萬里一息不藉杜  
衡之草王良不能控其衡策伯樂不能辨其文  
機方知總轡崑岑周非吾馭張樂大野憂有慙  
德立止沉河川璧獨有綠文之稱盛德在水偏  
受蒼龍之名至於干將寶劍遙服晉鄭之軍連  
花鳥玉騰威大海之際况乎馬寶義實踰之方  
當夙沙自歸滑橋屈膝欵關入塞偃武脩文去

病無出師之勞克國罷議邊之畧五律成玠丸  
河如鏡臣謹按瑞應經彌勒成佛經中阿含經  
覽愚經並稱第三之馬者三千歲華子云堯漢  
皆得馬者堯漢皆火德正斗南方乘德而至也  
豈非聖德汪濊皇風洋溢研機洞元備禮達義  
是以天不愛道白馬嘶風王澤効祥朱鬣降祉  
比夫圓蹄方足躑躅在郊風嘯電奔聲邀處圉  
五彩依樹三雀登巢安髣髴於當今弗擬議於  
休應百辟卿士咸稱萬歲伊臣不佞結慶雲霄

親承詔旨預觀寶瑞手舞足蹈贊揚不足宴禮  
斯畢退而作頌其辭曰

帝廣運德欽明儀郊升道形聲德爲軌仁作經  
璇璣正太階平割五禮和六英開四攝行八政  
轉輪皇飛行聖愍含識資惠命引蒼生歸法性  
菩提眞般若淨七寶均萬邦寧邈悼史觀陳詩  
域中大惟聖期聞玄妙復孝慈解流澤隨因時  
刑已措績咸熙三農盛九穀滋萬祗悅八神怡  
律有節曆得天景星曜慶雲連珠爲月醴爲泉

民何幸值皇年乾道應坤馬來度玉關升玉臺  
鏤錫煥鸞鑣廻繁雲轉堞塵開千天駟百龍媒  
衆伏阜掃駒駝秣璫粟委芳芻九夷款四表清  
昨胥樂興頌興

銘

大愛敬寺刹下銘

有序

夫波若真空導群生於假域涅槃有岸引末度  
於無邊應此十千現茲權實隨方攝受孰能弘  
濟皇帝照盡神原心凝寂境深慈降跡下荅蜚  
螭握鏡斷鼇經綸世阻故能天地貞觀日月重  
光業曠四弘功侔十力慧雲旦聚浸澤灑於遐  
外法炬夜明揚光燭於梵頂因心孝愛道契神  
明昭事誠享曰隆哀敬金車荅瑞追德慶於虞

年甘露登祀比嘉祥於漢日旣而理局遙圖事  
終典思所以功超域外道邁寰中廣樹大緣增  
隆勝善事等淨名齊方便於圓極跡均妙掌襲  
兩寶於冥因乃於鍾山竹澗奉爲皇考太祖文  
皇帝造大愛敬寺焉惟茲神岳勢負龍形均太  
華之四成狀彭門之雙起曲澗推移激水精之  
浪清風窈蕩散雲母之竹顯帶皇邑標地德之  
慶雲彌望帝躔矚神居之敞麗昔鴈泉之願真  
如所騰鱗形之岳大聖攸居創此伽藍同符往



跡以普通三年歲次壬寅二月癸亥朔八月庚  
午建七層靈塔百仞既聳千龕皆設漸山啓基  
踰於禁林國土金利長表邁於意樂世界珠幡  
轉曜寶鈴韻響聞聲者入道是形者除累仙衣  
梵帶去鴈塔而來遊天香風篴辭鶴城而下集  
靈祇叶贊有識歸依四將五龍翹勤翼衛八臂  
三日頂帶護持雖復劫盡恒沙衣消巨石儼如  
常住妙相長存作銘曰

朕哉睿聖至矣炎精功昭鳳紀德契雲名冥符

七覺爰極四生儀形懋典道駿有聲皇心閔嘆  
理篤天誠八萬神構二四雲弁懸梁浮柱脊起  
飛楹日輪下蓋承露上擎玉函蘊色珠髮韜明  
花窟炎聚石影光輕天下欽仰幽顯贊成法弁  
斯濟惠海方清淨界無毀金地永貞

行雨山銘

巖畔途遠阿曲路深猶云息馭尚且抽琴茲峯  
獨慳欽崎千變却繞畫房前臨寶殿玉岫開華  
紫水迴斜谿間聚葉澗裏縈沙月映成水人來  
當花藤結如帷磧起成基芸香馥逕石鏡臨壙

明月山銘

迢遞峯長威紆嶽聚旣正雲門兼同天柱非競  
小山寧論大庾豈學土龍詎須石鼓緞色斜臨  
霞文橫豎

釋迦文佛像銘

至矣調御行備智周滿月爲面青蓮在眸心珠  
可瑩智流方曾永變身田長無沙鹵

彌陀佛像銘

玉蓮水開銀花樹落惟聖降神拯彼沈漠

維衛佛像銘

灼灼金容巍巍滿月永被人天常留花窟

式佛像銘

影生千葉花成四柱塔象單留龕童雙舞

迦葉佛像銘

慧雨自垂仁風永扇照曜白毫半容月面惡因  
有滅善燈無變

梁安寺釋迦文佛像銘

帝爲知仰皆規面象敬模螺髮式圖輪掌信根  
有五覺枝云七仰福靈祇上生梵率

杖錫銘


妙節嘉光遊聖振灼排空霧轉騰雲鳳躍永異  
玉神長踰金錯

書案銘

刻香鏤彩織銀卷足照色黃金迴花青玉漆華  
映紫畫製舒綠性廣知平文雕非曲厠質錦帷  
承芳綺繡敬客禮賢恭思儼束披古通今察姦  
理俗仁義可安忠貞自燭鑒矣勒銘知徽敬勗  
鏡銘

金精玉英冰輝沼清高堂懸影仁壽摘聲雲開  
月見水淨珠明

秋扇銘




梁簡文帝御製集卷之十四

梁太宗簡文皇帝蕭綱著

碑

吳郡石像碑

蓋聞軒后之圖載浮河洛秦王之壁更涌滄溟  
昭覃之洲乘清源而西泛蓬萊之岫  
 流而  
南徙况夫道由慈善應起靈覺是以無方之迹  
隨機示現無緣之力因物成感晉建興元年癸  
酉之歲吳郡婁縣界淞江之下號曰滬瀆此處



有居人以漁者爲業掛此詹綸無甄小鮓布斯  
九戢常待六鼇遙望海中若二人像朝視沉浮  
疑諸蜃氣夕復顯晦乍若潛火於是謂爲海神  
卽與巫祝同往祈候七盤圓鼓先奏盛唐之歌  
百味椒漿屢上東皇之曲遂乃風波駭吐光景  
晦明咸起渡河之悲竊有覆舟之懼相顧失色  
於斯而返又有受持黃老好尚神僊職在三洞  
身帶八景更竭丹款復共奉迎尊像沉軀沒而  
不見經歷旬日遐邇曾聞吳縣華里朱膺清信

士也獨謂大覺大慈將宏化迹乃沐浴清齋要  
請同志與東靈寺帛尼及胡伎數十人乘船至  
滬瀆口頂禮歸依歌唄贊德于時微風送棹淑  
景浮波雲舒盖而未移浪開花而不噴雖舟子  
招招弗能遠驚而靈相峩峩漸來就浦仰覩神  
像巍然雙泛非因鷁首詎假龍橋豈藉銀連寧  
須玉軸背各有題一名維衛一名迦葉於是時  
衆踴躍得未曾有復懼金僊之姿非凡所徃試  
就提捧豁爾勝舟指燕宮而西歸望封門而一

息道俗側塞人祇協慶膺家住近通玄寺廼孫  
權爲乳母陳氏之所立也亦一邦之勝地胥山  
之神塔乃遷像於此寺武夫數百咸不能勝共  
怪曰朱膺帛尼二人之力而能捧持不覺爲異  
今人工甚盛確乎不移此必精誠弗能致也乃  
復竭心同時稽顙然後乃動至自舟中故知據  
并夜飛實無以異石不能重有覺憑焉後有外  
國沙門釋法開來稱彼國衆聖所記云東方有  
二石像及阿育王塔若能恭往禮覲滅無量罪

免離三塗禮已而去中大通四年歲在壬子館  
汝靈侯奉勅更造銅光二枚其一高九尺其  
一高八尺五寸銅邁丹陽耻論劉向之術區選  
攻金無俟嵇康之鍛旣鑄旣鏤是磨是銑曄如  
光定湛似日輪亦當遠照三千曾瞻色像遙覩  
十方俱聞說法豈止惜命小鳥欣入影中重罪  
衆生還逢愛日而已哉吳郡僧正慧法師深修  
五定淨持七支於三寶中盡力宏護立摩尼之  
勝殿製飛行之寶塔至於莊嚴妙色實有厥徵

夫魯聖云亡尙追儀於有若楚臣殞世亦託似  
於優孟放勲之后更圖長樂之畫文命之君不  
稽命之禩或傳諸往牘或布在前司或贊述  
盈耳或壽宮虛置况遠追應身近規靈迹不銘  
不勒何以稱揚乃爲銘曰

巍巍天像堂堂最勝慧日獨圓無生永證愍此  
魚鈎傷茲螺孕乍動慈舟時延寶乘留住待緣  
獨有傳應傳應伊何寶茲靈像履冰晨遊凌濤  
夜上七衆有憑九垓咸仰照此真容開斯俗網

千輪足起萬字胸書身橫五分衣刻三銖嗟爾  
末俗心王所驅顙浮水沫命役馳駒宜宏希嚮  
必盡勤劬觀相塵滅聞聲惑祛湛然神跡長處  
全吳

招真館碑

夫東瀛淥水三變成田西嶽靈桃千年未子尙  
以星起牽牛部首迢遞律生甲子氣數杳冥况  
復上遊玉清損之又損高排金闕玄之又玄豈  
言象之能詮非時節之所辨海虞縣者則虞農  
都尉太康置其宰境有虞山越絕書云巫咸之  
所出也高巖鬱起帶青雲而作峰瀑水懸流雜  
天河而俱灑雖日門採藥之地楚望懷椒之歌  
湯反流沙之魂錦飾汾陰之鼎無以喻焉其峰

則有石城石門虛峴自然不度句吳之馬神功  
挺起豈似岡陵之畫魏后冰城夜陣權息長安  
慈石浴鐵暫流較跡比期優劣斯遠道士沛郡  
張君諱道裕字弘真卽漢朝天師陵十二代孫  
天監二年來至此岫栖遁十有餘載夜忽夢見  
聖祖云峰下之地面勢閒寂宜立館宇可以上  
居裕師潘洪隱始寧四明山無何有人耳長髮  
短云從虞山招真治來言訖忽然不見潘馳信  
報君君因辭山舊居而以夢中所指峰下之地



卽以爲治故號招真高臺迥立有類玉臺之山  
長廊宛轉還如步廊之岫柱削芳桂豈俟開陽  
木飛材選海檀無勞豫章神拔黃庭司命之府  
有類玲瓏朱陵赤石之觀同符弘敞遠望仲雍  
而高墳蕭瑟旁臨齊女則衰壠蒼茫蘚萐千仞  
之木氣叶星晷華飛五香之草形圖宮室帷葉  
綵花卷舒蹊逕陽桃侯棗榮落巖崖樹息金烏  
簷依銀鳥鳳將九子應吹能歌鶴生七歲逐節  
成舞旭日晨臨同迎若華之色夕陽斜影俱成

拂鏡之暉玉礎微潤應山雲於高牖鳴籟徐響  
引和風於空谷方當專氣致柔入無爲之境周  
行不殆窮混成之致茅子算歸輟轡無已魏姬  
宴罷留駕不還何止持節變淮南之金傳符蒔  
北鐘之稻明月蛟龍之騎驅之使闢四銖七子  
之鏡引以成刀散季齊之羽起雄鳴之霧而已  
哉乃爲銘曰

玉龜二始金書八會道浹地心功浮天外故帝  
可小唯真能大德起同塵善生塞允物寶自然

人符交泰掩膜綠蘿穿隆紫蓋仙治之美此焉  
爲最雄柱千步陽臺百丈水均下矚山踰高掌  
野寂雲興禽繁山響升虹夕栖豐雷朝上元陽  
作石竹龍成杖書藏玉匣藥蘊銀筒燒鉛雜鯉  
折桂和葱羽衣可服雲輶易通斧柯雖朽碑石  
無窮

此篇載姑蘇志題曰招真治記治者本道書言太上二十四治付張道陵布法於

後嗣後盡立治於玄都故稱治也按陳馬樞道學傳張裕起招真館梁簡文爲製碑故今亦沿之曰招真館碑○藝文類聚載其銘中數語稱梁簡文招真館銘其爲簡文筆無疑姑蘇志訛爲昭明今正之

善覺寺碑

蓋聞在天成象倬彼雲漢在地成形高高惟嶽  
蒼蒼幹運靈槎猶且去來巖巖峻極巫咸可以  
升降穆貴嬪宿植達因已於恒沙佛所經受記  
別有緣娑婆降跡斯土行邁英皇德降華附河  
南望浮雲之瑞新野表升天之祥光前絕後建  
茲福地乃於建康之太清里建善覺寺焉大通  
元年龍集己酉有令使立碑文未獲構譔居諸  
不息寒暑推移軒曜夙傾前星次掩歲在諷訾

始得補綴何言之陋何事之隆竊等仲由空悲  
負粟之嘆復異桓良終無維山之日永言纏纂  
獨咽丹心銘曰

效彼毗城建斯福舍四柱浮懸九城靈架重欒  
交時迴廊遙迤掩映花臺崔嵬蘭榭陽燧暉朝  
青蓮開夜

慈覺寺碑

竊以易表含貞記稱厚載龍星啓曜璧月儀暉  
是以河外黃雲沙傍崩鹿故能發緯伊緒重闡  
劉系亦有觀津美於西漢扶風盛彼東京未若  
樊川之邦宛葉之境休祥茂祉獨繁前跡莊姬  
流譽之所烈后興業之地南陽稱其何氏新野  
猶曰鄧家逖彼遐蹤復履今慶貴嬪金聲早振  
淑範增徽才實母師行爲女楷窮茲四德洞彼  
六經溫明內湛慈慧天發綱綴慶璇枝聯休紫

漢幸得誓無負斧任重來薪實以契濶言提綱  
繆善誘事具徙居義深則盼而叨恩作牧爨結  
幽祇一訣椒慈長違寶幄風枝弗靜陟配何期  
祇奉儲訓謬茲刊撰道長業大遺範事隆嗟油  
素之可捐懼故老之難述

相宮寺碑

真人西滅羅漢東遊五明盛士並宣北門之教  
四姓小臣稍罷南宮之學超洙泗之濟濟比舍  
衛之洋洋是以高簷三丈乃爲祠神之舍連閣  
四周並非中官之宅雪山忍辱之草天宮陁樹  
之花四照芬吐五衢異色能令扶解說法果出  
妙衣鹿苑豈殊祇林何遠皇太子蕭緯自昔蕃  
邸便結善緣雖銀藏蓋寡金地多闕有慙四事  
久立五根泗川出鼎尙刻之罌之石岷峩作鎮



猶銘劒壁之山矧伊福界寧無鐫刻銘曰

洛陽白馬帝釋天冠開基紫陌峻極雲端實惟  
爽塏棲心之地譬若淨土長爲佛事銀鋪曜色  
玉礎金光塔如仙掌樓疑鳳皇珠生月魄鍾應  
秋霜鳥依交露幡承杏梁牕舒意蘂室度心香  
天琴夜下緝馬朝翔生滅可度離苦獲常相續  
有盡歸乎道場

神山寺碑

天地始終愆長不極劫數沙塵寂寥誰辯雖鐵  
界銅圍如影如約補石擎金隨生焰滅獨有驚  
岳靈境淨土不燒螺髻金質聲聞難覩故髮塔  
喜園流名天上耆山鵠苑布跡人中自非莊嚴  
妙土吉祥福地何以標茲淨域置此伽藍皇太  
子殿下幾圓上聖智周物外澄明離日照影春  
星長歌安勝表察書之獨見馳道迴車驚班輪  
而不絕銘曰

關號天井山稱地雌碧雞金馬越瀆梁池懷靈  
蘊德孕寶含奇此亦僊岫英名遠摘昔有鷺窟  
不燒淨土邁彼高蹤構茲法宇引葉成帷卽樹  
爲柱石砌危橫崖階斜豎

吳興楚王神廟碑

昔者武王詢於太公五神之禮正伊陟贊於巫咸三篇之義作抑又玄矩司於坎宮漢興此時黃鰲感於通夢秦作西郊幽則鬼神其來已尙楚王旣弘茲釋教止獻車牛旣舍黃駒安侯騁角掌擊無左滌之勞牧人止福衡之務周房殷俎惟有玄澗芳芝玉尊瑤樽止陳丹桂清酌漸符不殺之教方行大士之心比夫黃樹赤光紫衣朱髮茂矣哉王制云山川神祇有不舉者爲

不敬太守元景仲稽諸古典於茲徃烈永傳不  
朽式鐫高碑翠石勒文事偕神掌靈龜負字還  
擬洛書

長沙宣武王北涼州廟碑

黃曲之祀九井尙懸洙水之堂七壁猶在豈非  
德含體氣禮降空桑蒸民仰其立功太上懷其  
貴德公諱某蘭陵人皇帝之長兄也命世降靈  
峻極開著宗百川兩成海倍萬俊而爲英爲南  
梁北秦二州刺史陽陵黑水改號難堪加以岳  
牧遷廻軍民徙散同高闕以爲塞象玉門而置  
關三尉寢謀六屯罷業功同疎勒之守備甚卽  
墨之堅圍公臨危制變殷如敵國是以六角摧

鋒兩賢豐鼓指撫則破勅敵叱咤而靜邊塵公  
德應大賢照惟殆庶如鐘資叩似鐸發聲含朝  
陽於千仞散風行於萬頃神武所固士卒忘水  
火之難箠醪所驅小大一死生之志微管之風  
餘芳無絕人畏其神德音不泯梁秦二州刺史  
宜封侯條刺舉漢陽親覩遺愛有表請立碑置  
廟天子許焉反宇飛風伏檻含日參差丹桂周  
流紫房躑踞刻獸下臨網戶茵蔯荷華傍連屈  
屋庶使邊韶所立之石豈稱高於陳郡袁逢所

勒之字非獨擅於華陽乃爲贊曰

帝圖開道皇源配天功書綠字事燭青編天漢  
之陽黑水惟梁如仁永播流詠寧忘扶風高碣  
召伯甘棠餘芳無泯望古可方構斯象室循茲  
洞房琉璃照戶璧玉開堂秋條下葉春卉含芳  
九微夜火百味朝漿



連珠

被幽連珠三首

吾聞道行則五福俱奏運閉則六極所鍾是以  
麟出而悲豈唯孔子途窮則慟寧比嗣宗

吾聞言可覆也仁能育物是以欲輕其死有德  
必昌兵踐於義無思不服

吾聞有古富而今貧可稱多而賑寡是以度索  
數下獨有衰神松柏橋南空餘白社